

planus, tenuiter marginatus, medio carina tenui percurrente. Metastethium orificiis distinctis. Venter levissime pilosulus. Coxæ anticæ medium mesosterni attingentes. Femora elongata. Tibiæ submuticæ, sed setis semierectis dense pilosæ. Tarsi articulo primo secundo longiore et tertio paullo brevior, unguiculis mox pone basin fortiter fere in angulum rectum curvatis, basi dente acuto instructis, aroliis angustissimis setiformibus apice conniventibus.

Genus capite lævissimo nitidissimo, xypho prostethii medio carinato, structura tarsorum unguiculorumque optime distinctum, a reliquis divisionis etiam punctura divergens et divisioni *Capsaria* simile, sed loris capituli bene discretis, aroliis unguiculorum tenuissimis apice conniventibus. In vicinitate *Cremnocephali* Fieb. locandum videtur.

#### L. unguiculare n. sp.

Nigrum, nitidum, ventre pallido-pilosulo; capite vertice, pronoto annulo apicali et limbo lato postico, scutello lateribus hemielytrisque pallide testaceo-griseis, pronoto hemielytrisque nigro-punctatis, his commissura sat late, macula anguli interioris corii vittaque late media per membranam ducta ejusque areolam majorem totam occupante nigris; antennis articulo primo toto, secundo fere  $\frac{2}{3}$  basalibus, tertio ima basi, rostro pedibusque flavo-testaceis, rostro apice nigro; femoribus posticis annulo ante apicem, tibiis annulis duobus, altero subbasali, altero mox ante medium, tarsisque fuscis; capite cum oculis basi pronoti duplò angustiore; antennis articulo primo latitudini stricturae apicalis pronoti longitudine aequali, articulo secundo primo fere duplo et dimidio longiore, tertio quarto paullo longiore, hoc primo aequè longo; pronoto latitudine basali vix  $\frac{1}{4}$  brevior; scutello pronoto fere duplo brevior, transversim strigoso, parce punctulato. — Long.,  $5\frac{2}{3}$  mill.

#### 8. *Halticus tibialis* n. sp.

Niger, nitidus, subtiliter griseo-pubescens, antennis, rostro, articulo ultimo excepto, apice femorum anguste, tibiis tarsisque pallide flavis, articulo secundo antennarum apice anguste,